



Inatsisartunut ilaasortaq
Aleqa Hammond
Inatsisartut
Postbox 1060
3900 Nuuk

**B52-ip nakkarnera aamma DIIS-ip nalunaarusiaa pillugit apeqqutinut nr. 2010-19-
imut akissutit**

19.januar 2010

J.nr. 20.30-01

Inatsisartut suleriaasianni § 36, imm. 1 naapertorlugu ukuninnga apeqquteqarpu-
tit:

Strandgade 91, 3
Postboks 2151
1016 København K

*“B52-ip Pituffiup eqqaani nakkarnerani qaartartut sisamaata
qaqinneqarsimanginneranik DIIS-ip nalunaarusiaani oqaatigineqartoq
Naalakkersuisut akueralugu maliinnarniarpat?”*

Tlf. (+45) 3283 3800
Fax (+45) 3283 3801
journal@ghsdk.dk
www.nanoq.gl/ghsdk

*Pituffiup eqqaani imartani, uumasuni inunnilu plutoniumeqassuseq pillugu
qallunaat naalakkersuisoqarfii amerikarmiullu peqatigalugit
misissuisoqarnissaanut Naalakkersuisut suliniuteqarniarpat?”*

Naalakkersuisut sinnerlugit qutsavigaakkit apeqquteqarnikkut Pittuffiup eqqaani
”qaartartut sisamaat” pillugu DIIS-ip nassuiaataata malitseqartinneqarneranut
naatsumik nassuiaateqarnissannut periarfissikkamma.

Ulloq 3. august 2009-mi tusagassiorffinnut nalunaarutikkut nalunaarutigineqartut Naalakkersuisut naammagisimaarpaat kiisami nalunaarusiamik takuttoqarmat, tassani DIIS inerniliilluni nalunaarpoq Thulep eqqaani immap naqqani qaartartoqanngitsoq qaanngitsoorsumasumik. 4. august 2009-meersunik allagaqarlunga Inatsisartut Nunanut Allanut Sillimaniarnermullu Ataatsimiititaliaat Naalakkersuisut suliamik naliliinerannik ilisimatitsissuteqarfigaara. Taamattutaaq siusinnerusukkut Naalakkersuisuusut isumaqarsimapput BBC-p ”qaartartut sisamaat” pillugu paasissutissiinera tunngavissaqanngitsoq, takuuk taamanikkut aningaasaqarnermut nunanullu allanut naalakkersuisuusup tusagassiorffinnut nalunaarutaa 11. november 2008-meersoq.

Naalakkersuisulli suliaq taamaalilluni naammassineqartutut isiginngilaat.

- 3. august 2009-meersunik allagaqarlunga Nunanut Allanut Sillimaniarnermullu Ataatsimiititaliaq ilisimatippara Naalakkersuisut danskit naalakkersuisui qinnuigigaat amerikamiut oqartussaasuinut saaffiginissuteqaqqullugit pingaartumik plutoniumeqassutsimik naatsorsuutininik taaneqartut pillugit paasissutissanik annertunerusunik pissarsiniarlutik. Saaffiginissut taanna suli amerikamiut oqartussaasuinit akisuteqarfigineqanngilaq. Uangattaaq amerikamiut ambassadøriannik ataatsimeeqateqarninni taamatullumi Nunanut allanut ministerimut

suliap pingaaruteqassusia erseqqissaatigaara. Nunanut Allanut Ministeri Per Stig Møller ulloq 14. december 2009-mi ataatsimiinnermi uannut oqarpoq sulii amerikamiut oqartussaasuinit akissuteqartoqarsimanngitsoq.

- Qaanaami inuit peqqissusiannik misissuisoqalersussaavoq. Misissuineq aallartinneqassaaq 2010-mi upernaakkut. Danskit naalakkersuisuisa oqaatigaat danskit naalagaaffiat misissuinerit akiliissasoq. Peqqinnissamat Naalakkersuisoqarfiup misissuineq akisussaaffigissavaa.
Misissuinerit siunertaavoq innuttaasut peqqissusiisa aarleqqutigisaa-salu paasineqarnissaat, Qaanaami innuttaasut 1968-imiilli nappaatit allanngoriartornerat pillugu aarleqquteqalersimammata. Misissuineq innuttaasut toqqissisimanerulernissaannut iluaqutaassasoq naatsorsuutigineqarpoq.
Misissuinerit ilaassapput toqnermut pissutaasartunik nalunaarsukat, innuttaasunik misissuineq Tunumi Kitaanilu 2005-imiit 2007-imit innuttaasunik misissuinerit imallit kiisalu innuttaasut ilaannik taamatut kissaateqartunik ataasiakkaaraluni misissuinerit. Misissuineq naammassineqariapat taavanimiut sukumiisumik pitsaasumillu tamanna pillugu paasissutissinneqassapput.
- Risøp aamma Danmarkimi Avatangiisinik Misissuiffiup ukiorpassuarni misissuisimani ingerlateqqinneqassapput.

Naalakkersuisut taamaalillutik DIIS-ip misissuisimani iluarisimaaginnangilaat suliarli malitseqartissimallugu.

Inussiarnersumik inuulluaqqusillunga

Kuupik Kleist
Naalakkersuisut siulittaasuat